



Broj: UP1:01-50-2-681-1/23
Sarajevo, 16.02.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11 i 100/13), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Kristine Gadže, novinarkе multimedijalne platforme Balkan Diskurs, za slobodu pristupa informacijama od 6. 2. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

R J E Š E N j E **o slobodi pristupa informacijama**

Kristini Gadže, novinarki multimedijalne platforme Balkan Diskurs, odobrava se pristup informacijama po zahtjevu od 6. 2. 2023. godine.

O b r a z l o ž e n j e

Kristina Gadže, novinarka multimedijalne platforme Balkan Diskurs, obratila se 6. 2. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) putem e-maila zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup sljedećim informacijama, odnosno *u kojoj je fazi rad na Strategiji razvoja informacijskog društva BiH i koji koraci se trenutno poduzimaju da bi se proces ubrzao?*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku, obavještava se podnositelj zahtjeva da je Nacrt strategije razvoja informacionog društva rađen uz podršku Vlade Ujedinjenog Kraljevstva i Razvojnog

programa Ujedinjenih nacija (UNDP) u BiH. Ovim strateškim dokumentom definiraju se pravci razvoja digitalnog društva na svim nivoima u Bosni i Hercegovini. Pravci razvoja odnosno strateški stubovi korespondiraju sa stubovima postavljenim u Politici razvoja informacionog društva Bosne i Hercegovine za period 2017-2021. godine.

Dokument je izrađen prema metodologiji usaglašenoj sa Ministarstvom komunikacija i prometa Bosne i Hercegovine. U fazi izrade nacрта dokumenta je izvršena temeljita analiza kako bi se utvrdio EU strateški okvir, položaj Bosne i Hercegovine u odnosu na uporedne zemlje, snimilo trenutno stanje, te definirali strateški ciljevi i strateški prioriteta za svaki stub strategije.

Budući da je Bosna i Hercegovina čvrsto opredijeljena za integracije u EU, usaglašavanje njenog zakonodavstva sa *EU acquisom* je osnovni preduvjet na putu sticanja punopravnog članstva u EU. Također, EU strateški dokumenti predstavljaju vodilju prilikom izrade svih strateških dokumenata u Bosni i Hercegovini, uz obavezno sagledavanje nivoa razvoja određene oblasti i njenih objektivnih mogućnosti za apsorpciju tih ciljeva u određenom trenutku. S tim u vezi, dat je pregled ključnih strateških odrednica kako u općim strategijama razvoja EU, njenim strategijama relevantnim za informaciono društvo, tako i strategijama specifičnim za određeni stub odnosno pravac razvoja. Uzeti su u obzir strateški dokumenti EU do 2023. godine, jer su isti i dalje aktuelni za Bosnu i Hercegovinu, ali i strateške odrednice do 2030. godine, koje trebaju ukazati na put kojim želi ići EU u usvajanju i širokoj primjeni digitalnih tehnologija, a koji će morati slijediti i naša zemlja.

Ministarstvo komunikacija i prometa BiH je Srednjoročnim programom rada za period 2023-2025. godine predvidjelo izradu ovog dokumenta. On je trenutno u fazi ažuriranja sa novim dokumentima EU i trenutnim stanjem informacionog društva u Bosni i Hercegovini te će, nakon ovih završnih aktivnosti, biti upućen u proceduru javnih konsultacija, pribavljanja mišljenja relevantnih institucija i usvajanja na Vijeću ministara BiH.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositelj zahtjeva nije zadovoljan postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić

Dostavljeno:

- Kristina Gadže, Kralja Tomislava 33, 8 8000 Mostar;
- spis predmeta;
- a/a.